

北京圖書館出版社

清末時事采新彙選

第十九冊



(清末)時事采新彙選

第十九冊

北京圖書館出版社

時事采新彙選

光緒丁未年正月

光緒三十三年正月十六日

海公等後黃寺聽經覆

命

李紱藻謝授倉場

侍郎 恩

召見軍機

諭旨恭錄

光緒三十三年正月十六日

論政局傾軋之可危 錄外中日報

中國前途之危險至於今日幾盡人皆知之矣蓋任目之所覩任耳之所聞任身之所歷無一而非至危險之象雖有冥頑不能不覺雖有僻戾不能不信也然及論其致此危險之故則人人所見者不同或誤認其結果以為原因或誤認其助因為主因失之毫釐謬以千里遂有日以救中國之危險為言日以救中國之危險為事而課其成績則躬自蹈於危險之起原其所以救之之道益堅則其所致之危險將益烈此等情狀今已屢見於朝野上下之間抑亦非細故矣今試舉其大者確者比而觀之留心世勢者其有資焉

時事新彙選 第四卷

丁未正月十六日刊

一曰革命黨之暴動也案革命黨人實為今日政府所最畏忌之物然實事之果而非事之因也者古來革命之成其主唱者必有所藉口而後能用其衆彼之口實或曰改良政治或曰驅逐異種其實皆不過為一時之權詞自古至今無所謂政治革命如漢高祖所主唱者無所為種族革命如明太祖所主唱者但有經濟革命而已使其政治良經濟裕民智高則雖有一二性嗜流血之人日鼓其邪說誰則捨其樂利而從之不逞之徒有不轉瞬而伏身司敗已耳若夫皇綱解紐四海困窮風俗墮地則橫濱四出又豈待人之嗾使之哉即漢明二祖之言亦必大事垂成乃有文人教為此語以示天下吾既立此非常之功

卽富食此非常之報云耳非其起事時卽有此說也若起事而有此說則其事必不能起此理非本篇所宜及因今當軸甚疑排滿之說故及之故革命黨實不足以爲危險窮以其爲常智之所懼故不得不列之此外更有一二不如意之事如民教之不和如學堂之不能發達如軍事之腐敗若無不足以危險者然皆不足道也

一曰外人之逼迫也案外人逼迫此爲我國無論貧富賤智愚賢不肖所目擊之事亦爲所身受之事各要塞之軍港各地之築路權各地之開鑛權此爲事之最顯著者此等之事失之甚易若欲復其所固有不知當費若干之預備或不能不取決於最終之槍炮未可知也而其精微

時事新報選錄第四卷

二

丁未正月十六日刊

者則外國之熟貨輸入無窮內國惟有生貨輸出且生貨之數亦日漸減少近年以來農工兩事輟而不講遂成束手優游專賴外貨之勢於是舉國實業權積漸入於外人之手彼於經濟上既握樞機而復有師武臣力以濟其後以各種愚弄恫嚇之術乘機而取之富者愈富貧者愈貧智者愈愚愚者愈愚若欲使已國之程度等於外國而後可與外國抗衡則恐已國程度長進之速率小而外國侵蝕之速率大終無以挽積卑之勢也今日者奴主之勢已成生死之機將決以云危險誠危險矣然抑事之次也一日經濟之困難也按經濟困難此似與前款所言有相關之理然不得諉過於外國也蓋我必予以可乘之隙而

彼乃得乘其隙而誘致之攷我國近以政治之不良小民皆輟業以嬉不復以農商工作爲業一其輟業之故或以捐款太重無所得利或以好逸惡勞輕去其舊或以少數者爲多數者所劫持多數者既歸游蕩則少數者亦不敢居積以爲盜糧此皆鄉井蕭條之故也然其理深密恐尙有進於此者總之內政外交民德民智皆有以致之一以一二百文之銅錢而自陷於大夥者一年之間各省當以十萬計膏腴之地千里蕭然曠無人跡而閭閻於都市男子爲盜賊爲苦工婦人爲醜業爲下女窮兒極醜自呈露於萬國之前一其間亦有高等之商人然對於全國亦分利之人也一國因之而不光種因之而稱賤推其來歷謂之曰窮然而致此者窮也而所以致此窮者非窮也蓋必有立乎窮之先者矣在下者既如此而其上之人則方以行政爲名明目張膽大肆其培植之計問其何用則並無報告於社會是不得不疑之爲中飽然使其所中飽者搜括而來揮霍而去則其財猶在本國耳而諸公則不用之以購外國不生利之物品卽存之於外國銀行於是本國遂若無此財矣既以合上下之人皆爲分利而不生利則財力日薄不得不借外款以爲補助之資凡有所假必有所押必有一日外人假入之財大干本國固有之財則中國卽爲外國之國中國危險之象殆莫大於此矣此三者皆當世所稱危險之大綱其他皆此三者之目而

時事新報選錄第四卷

三

丁未正月十六日刊

已若以吾人之臆見度之第一最無危險第二危險矣而非危險之至惟第三則爲實事最無可遁逃不能以巧術救之將來中國之迫於危亡必由此故然使合朝野上下之心力真以整頓財政爲不二之法則及今以圖尙不至於無可藉手然則今日至危險之事尙不在此必有一物橫亘其間足以使吾朝野上下不能一其心力者則此物眞足稱可以致危險者矣吾人今若見此物焉試略說其形狀夫能使我朝野上下之人不能合其心力以改良政治而自速其危亡者果何物哉夫亦曰意見是矣考人心之有意見此亦由於心理所當然原爲人所不能免然何以萬國之人皆有之而我國獨重且萬國之人皆有之而

時事新策選輯第四卷

四

丁未正月十六日刊

不爲害而我國之人獨爲大梗起於一星之微終至於滔天而不可遏一芥之怨不郵敗壞社會之全體則報之一息之恨不難舉百年之計以殉之公私不分大地異色學問閱歷皆爲邪資此爲世間至不可解之事始非積數千年之專制無以致此也一因專制政治最不利國民之有公心故歷代之術皆以撓抑國民之公心爲無上政策積其無公心之極乃有今日所謂意見者之特性既有此性則不復能與人反抗矣一顧小民之有意見爲患尙隱若政府有之其害未有不速且大者蓋既有意見則善言必不能入既有意見則待人必不能誠既有意見則行政必不能本其良心或有時不能不反其良心而用之既有意

見則一人之聰明才力皆將用於排擠報復之圖而其從政之餘力非苟且潦草不可故吾國之行政殆無一眞爲求治起見者亦無善政能更一人不排擠者在此也以此爲治唐塞不暇何有整頓其爲速亡殆無疑焉難者曰意見者吾國固有之物也而本朝之稱治者數百年何以能指爲今日亡國之大原曰此因今日意見之外別有一物以會之遂使意見之禍足以滅種其物爲何則曰朋黨是矣一黨人之名始於離騷不以爲佳名也其後漢宋唐明之朋黨則皆君子然其號皆小人加之其意亦不以爲佳名也自泰西之有東人譯之名爲政黨於是吾人始不以黨爲惡稱然名從主人中國之朋黨實無不生惡果

時事新策選輯第四卷

五

丁未正月十六日刊

者溯十年前以前政局之互相排擠者小者不過阻其進取其致之左遷至陷之以著卽革職永不叙用八字則爲惡極如此焉止矣此所以尙能相忍爲國也自戊戌以來則不然雖朝衣東市者祇有六人而殺戮已一動而不可制庚子之役數倍戊戌醞釀至今此益深雖事尙未形而機已密構夫既欲流人之血則其事非一人之力所能勝且禍患之來亦非一人之力所能保是非台朋黨不可矣故朋黨之魂謂之意意見見之魄謂之朋黨以此二者入而爲政界之主動物而欲取濟於外侮交乘財力告竭之日危乎不危再申而言之彼之意見朋黨者無他利用以互相賊殺而已吾國最富者惟生齒如斯之政局雖日伏屍數百人

使社曾少此一惡人未始非國之福也庸何傷然而有大可憂者則以彼人既居政界握政權其相亂轢之時必非徒手而爭也將假物以爲用焉如是則無窮之禍即生於其所假之物而舉國乃爲之同盡其所假之物有確然可見者二事於此

一曰非以滿漢爲口實則其言不謬

一曰非以外交爲後盾則其力不堅

滿漢之意見此今日之第一大意見也此意見而不解釋則其他之政皆不能實施故今之維新黨以此爲第一義然以作者之意測之今日政局之中非以滿漢而有意見實以意見而有滿漢然以意見而有滿漢其流弊較之因滿漢而有意見者似輕而實重何以言之以滿漢而有意見

時事新報選 第四卷

六

丁未正月十六日刊

見則必因種族之觀念而起使其若此則其意見必可解決蓋其意見既各起於兩族之利害滿漢之究宜衝突與否其眞理必有所歸而滿漢之公利必在於和平而不在於衝突此又今日之定論也眞理既明則妄見自息有如斯愛國之大臣合力以圖公利豈有不轉弱爲強者哉惟其因意見而有滿漢則其所謂滿漢者乃用以互相賊殺之一兵器不成其爲政見也一頗聞近日最主排漢之某君實因受留學生之侮而起非有愛于其種族也一既已以賊殺爲主義矣則其報復必無有已時而其操術亦無所不至不特永無解決之日寢假而假借輿援以爲後盾而印度之局成矣即使大臣不出于此而充中央集權之極一今之中央集權亦不成其爲中央集權也因其自命

爲中央集權則亦謂之爲中央集權云爾一民不聊生斯時眞不免產出革命黨亂之所至必涉外交因應一失而印度之局亦成矣是上文所言三者之禍皆可以一時並至也一今之排漢主義眞革命黨皆極贊成之二由斯以觀則中國前途之危險莫甚于朝局之變動作者深願吾言之不中

西報訪員詳述淮北近日災情(錄中報)

十八日宿遷電云余在運河以西境內及睢寧縣地方直至宿州徐州府爲止復向北至邳州銅山峯灣游歷五日而歸各處皆無存口以資轉運兼之地面不諳故行路甚難精食每升價值計最粗之米每升須錢五十或六十文麥甚難得但有數處蘆荳餅每升四十八文山芋每升十

時事新報選 第四卷

七

丁未正月十六日刊

六父至三十三文百姓皆以樹皮蒸熟和大蒜食之十日以前邳州華官諭定麥價每斗一千六百文境內則每斗售價在二千文以上其故由於該處缺乏糧食饑民皆於晚間設陷阱以捕狗灌以藥使不得狂吠然後殺而食之中年婦女均遭販賣每口計洋十元或十五元幼孩每口僅三四元各處稻草甚旺亦有牲畜惟百姓以無力照時價購買糧食故無米爲炊但以樹葉草根煮粥果腹然各項食品皆可由運河運來其價按道路之遠近以爲差惟至今尙無物運到查得上海義振會董事所發之麵粉亦尙未到其遲遲之故有謂由於轉運無便易之法者有謂由於官家發給船戶運費強行刻減者不一其說百姓之景况日形慘苦

光緒三十三年正月十七日

醇王由 西陵回京請

安

陸寶忠謝充國

史館副總裁

恩

慶王成公各續假二十日陸

潤庠良泰各續假十日

熙貝勒繼祿各續假五日

召見軍機

本日已刻

皇太后

皇上升

勤政殿總稅務司赫德主教林懋

德杜保祿等

覲見賀年

諭旨恭錄

光緒丁未正月十七日

一

上諭張曾敷奏查明兩浙被災場灶蕩田及仍難墾復灶

蕩請將應徵灶課錢糧分別蠲減緩徵一摺兩浙鹽場

灶蕩上年春夏間節被風雨潮蟲以致禾棉疊受重傷

若將灶課錢糧照常徵收民力實有未逮加恩者照所

請所有海沙蘆灘穿長杜濱四場成災灶蕩並海沙場

潮患難墾杜濱場新墾復荒各灶蕩田地應徵上年灶

課錢糧均著全行蠲免其勘不成災之海沙等場歉收

田地應徵上年灶課錢糧一律緩至本年秋後徵收以

紓灶困餘著照所議辦理該撫卽刊刻謄黃徧行曉諭

務使實惠均霑毋任吏胥舞弊用副朝廷軫念民艱至

意該部知道欽此

諭旨恭錄

光緒丁未正月十七日

二

上諭張曾敷奏請將浙江各屬荒廢未種田地山塘蕩灘

懇免應徵地漕等項並新墾之產分別徵蠲一摺浙江

杭州等府各屬荒廢未種各產尚未全行墾復若將地

漕等項照常徵收民力實有未逮加恩著照所請所有

仁和等三十三州縣暨杭嚴衛衛所仍荒未種暨沙淤

築塘挖掘濫墾廢並報墾缺額民屯學措沙牧各田

地山塘蕩灘應徵上年地丁等項正耗錢糧漕白等項

著一併全行蠲免其臨安等七縣新墾田畝著分別全

蠲半蠲仁和等縣及杭嚴衛衛所民屯田地山蕩草塘

著酌徵五成蠲免五成以紓民力餘著照所議辦理該

撫卽刊刻謄黃徧行曉諭務使實惠均霑毋任吏胥舞

弊用副朝廷軫念民艱之至意該部知道欽此

論中國農學亟宜講求

錄天時報

方今海外重農之國其國人皆競設農會而農會之中俱設有農務學堂欲審其致力之端則有試驗場欲獲夫觀摩之益則有賽會場苟有獨得新法能於農業諸務自較其厚利以求速效者彼農部即寵賜文憑許之特專其利以鼓舞獎勵之是由農業蒸蒸日上馴致於阜財用也試即歐西肥磽各地平均計算之每一方里內每歲所有物產可值銀四千八百兩較我中國幾增一倍而據格致家言凡地球受日之熱每年每方里間至少能養數百人農業學之發達終必有造乎斯境之一日以我中國十六兆方里推之至少亦可養數千兆人誠如是也何患民生之

時事采新彙選第四卷

丁未正月十七日刊

貧困國用之無出哉獨是中國之服田力穡者無論老幼男女咸殷然盡力於南畝而不敢少休非特不知有學日亦無暇入學於此而欲令其舍耕賦之勞動講肄之業俾至卒業之後然後從事於耕作勢必窒碍而難行然至今日論我國農務非亟宜振興農學尤恐不為功也何以言之考之戶部則例我國海內戶口以七百四十二萬七千四百五十餘頃田畝之出產供四百三十二兆人之需給而無農學者以輔導之又何疑民生之貧困而國用之無出哉蓋即近日服田者論每畝之所獲歲不過一石以人民之食料言之每日之所食人各約一升故非有四畝之田不足供一人之食如以通國之土田例通國之生齒則

無食之人不數居其半乎若是有能者至仰給於外洋轉徙於隣國而其無能者輩將見流離於道路嘯聚於江湖民生乏食之患即國家積弱之原也其關係重大如此而猶謂農學可以不講乎哉況夫商之本在工工之本在農此七百四十二萬七千四百五十餘頃之田不僅以藝黍稷稻粱已也木棉菅麻蔬菜之屬何莫非取給於是且猶有曠然未闢者焉夫糧食為養生之大原工商為立國之要素統計我國而積除新蒙東三省外約有十六兆方里而其每方里內應有五百四十畝即以五百畝計亦應有八十兆畝矣此赫總稅籌餉之算數也然核計現墾田畝尚未及十分之一則其餘未墾者為山林川澤不毛之土

時事采新彙選第四卷

丁未正月十七日刊

無疑抑知我國居溫帶上日球之熱力與空氣之兩量皆均平適度其天時地利最宜於農也豈寒熱兩帶恒雨恒陽之方可比果能以農學新法為之經營種植之則所謂山林川澤及不毛之土方以俄之西伯利亞英之南非印度各屬不其沃壤也哉特以農學未興農智未週之故竟使禹甸所在十九荒蕪矣其可惜也孰甚竊嘗橫覽五洲見夫農學發達之國以美利堅為巨擘計其農產之富約在美金一萬兆外中國墨守歷代相沿成法不知有機器化學一切肥田新理而豐與歉聽之天勤與惰任之人人工而我拙人富而我貧人有餘而我不足微特不能與美並論以視夫各列強國亦不啻瞠乎其後矣及是時翻然

改圖仿泰西之成法多設半日學堂令農之年壯性敏者分其半日之光陰受教於化分土質製造肥料占測氣候等事而其餘半日間仍令盡力於田畔卽以其所學者明驗諸實事更不必設場試驗果使成效昭著地利之興也勃焉而聞風者知所觀感由是逐漸推廣之則用力少成功多其收效必十倍於前故我國不欲興農學則已否則如半日學堂卽富民之基礎也乎且夫學堂之宗旨大率別爲三項曰除弊焉曰興利焉曰改良焉有若捕蝗防旱正經界嚴守望者非所以除弊乎有若築堤墾荒製橡皮造樟腦者非所以興利也乎有若辨土宜擇種籽用肥料置機器者非所以改良也乎古者三代前農莫不有學其時事采新彙選第四卷

三 丁未正月十七日刊

撰述已傳於後世至今日而衰微矣苟欲遠追上古舍立學堂以求新法其道無所由也尙冀有心人宜籌及之

論國家財政不可含有個人財政之性質錄時報

吾聞之經濟家之言矣國家財政與個人財政不同個人以利於一己爲目的國家以利於全體爲目的若以個人謀利之方施於國家則謬嗚呼此治財政者所當深知者也乃觀於我國今日之治財政者幾全不知此原則而純以處理個人經濟之法以處理國家財政則又安望國運之發達而國事之進步也我將列舉數端以證我說則知我政府諸公之理財固優於個人而絕於國家也箇人財政以收入之多少爲定量入以爲出國家財政以

支出之多少爲定量出以爲入何也蓋爲一國理財者固不能以節用二字爲不二法門也開化之初文明未備故國家之政務簡而財政亦因之而簡至今日則人事之組織日新外來之競爭益烈所以助國民之發達者舉凡衛生教育通商惠工諸要政爲國家必當經營之事業不可以財政無出而率歸廢弛而我國以不及信用於民不能以民財治民事雖有急圖亦諉之經費無着則正如故家中落仰屋興嘆既進款之日繼不得不屏除僮僕裁節日用而國家富此將衰頽日以加甚矣

四 丁未正月十七日刊

政以收支適合爲目的故其財惟求適用蓋國家爲人民之集合體箇人之財卽國家之財必國家不私其財而後人民乃得有其財人民之出其財以供國家與國家之用其財以衛人民互爲報酬而國家亦安用此箇餘之財以困民而我國政府一若此財之出於人民入於國家卽爲政府之私財抑或沾有餘利吏欣然自足而又恐人之揭其隱者復深藏固拒如今日賠款之磅餘廣西之賑餘皆政府所以爲蓄積餘裕者也則正如田舍翁多收十斛之糧卽將儲蓄以爲買妾娛老計且又恐爲其子弟所知其狀之窘可知而國家當此卽爲損下益上之政矣箇人財政以利己爲主義得以自由處理故其界限寬闊國家財政以利人爲主義必待法律許可故其界限嚴蓋國

家之財取於人民與人民自有其財者不同也惟其取於人民故專以組織人民之利益為主而收入支出必待議院之協贊必有豫算與決算夫一國之財仰給於民其綏其膏血以供國用政府乃使其不得顧問也有是理耶我國歲入歲出之欸國民無有知者官吏之中飽政府之濫用小民何敢一問從未有舉國用之數公布於民者則正如浪子之揮霍巨資脫手千金以罄盡為度絕不問所自來以阻其使用之自由也而國家當此民不堪命矣

東洋協會伊侯對韓國之演說錄中外日報

前任日本內閣總理大臣桂伯爵將昔所設之台灣協會宗旨擬推廣於滿韓一帶改名為東洋協會于西二月三日舉行發會之典於東京當日朝野著名之政治家與有志之士列席者約三百餘人實極一時之盛即桂伯爵先起演述組織台灣協會創設之宗旨論及推廣東洋協會實為當務之急韓國總統監伊藤侯爵次登壇就其對付韓國政策演說據云對於韓國予所主持者有四端保全韓國國土一也進言誘掖籌畫改良內政二也日本代理韓國外交三也擁護韓國皇室俾獲安全四也按韓國因國弱力微無兵以保己國是以日本不可不派兵以膺該國之防備並籌其內政之改良圖其國力之富實也然當按照彼此條約舉行辦法之際所受之彼則為主所施之我則為客勢頗形棘手一時至惹韓民反抗之意滋生匪

時事新報連載第四卷 五 丁未正月十七日刊

徒之蠢動而當局者致力之結果漸至令其覺悟我眞意之所存遂有頭緒矣現于改良內政之法援我日本之例以自舉辦故彼當軸大臣至每聽予說以為施設焉蓋自前年訂立日韓協約至上年三月予接印後未幾奉旨回國迨夏再赴前後在任不過六月故雖無事業之可見然其端緒已粗定矣

予對韓國之施政勸懲緩慢之謂然改良內政因韓國自任施行我唯從旁誘掖耳故遭諸多障礙致左支右吾亦勢不得已也故予雖嘗於台灣施設之得收佳果而不可不訴韓國經營之倍難何則台灣之主權屬于日本而韓國則為獨立國故對付必須遵守條約況以疆域論韓國較台灣大約七八倍人口亦有一千三百萬之譜於歷史及文化見之台灣之開國係近三百餘年前因中國人民漸有移居者清國佈政年已不久也然在韓國其建國殆與日本同時爾後雖經國祚屢絕國命屢改而其人民得維持同種同心之團結力以至及今是以對付韓國較台灣尤為困難實有故焉吏較美國於菲律賓之施設其統御無君主無政府之人民頗為易易固不可同日而語也

時事新報連載第四卷 六 丁未正月十七日刊

想韓國統治之棘手雖亦藐躬無才無能而本會之目的以得扶植滿韓為要故特述此耳
凡今日經營事業無論何事均需資款是為必要之急務矣然日本欲啟發韓國將如何資欸輸入乎予略察戰後

財務之困難深諒日本當軸之苦衷故改圖決策將以韓
國之資為開發韓國之用乃將上年所得借款一千百萬
元充之然釜水不足救車薪故他日籌劃辦法本會諸君
應酌諒此情竭力援助焉由來韓國人民猜疑之心深矣
動疑日本有併吞之意抱杞憂者為數不少故予注意于
茲勞欲解其誤會母將日本扶持韓國共享福利宗旨竭
力宣諭並將韓人若有執戈反抗日本利害曲委告戒於
今漸得其安心矣又報紙搖動韓國人心之力頗有大者
屢為子虛震驚幾惹鉅事加以西字報紙有意煽動韓民
以令及抗日本且向世界論壇誣妄日本之惡政屢阻予
之施設但予以彼此共享利益為宗旨解彼誤解伸我真
時事采新蒙選續第四卷 七 丁未正月十七日刊

意啟蒙針愚以期豁然庶韓國有達文明之一日云云

光緒三十三年正月十八日

江寧將軍清銳請 訓 承祐假滿請 安

海公請假十日 德峯續假十日 掌儀司奏二十

一二十三日祭 奉先殿澤公載瀾行禮

召見軍機 鹿傳霖 陳邦瑞 唐景崇 清銳

皇上明日午刻升 紫光閣筵宴蒙古王公

上諭二月初七日祭 社稷壇朕親詣行禮欽此

上諭二月十三日祭 關帝廟遣順承郡王訥勒赫恭

代行禮 後殿遣溥良行禮欽此

上諭二月十六日祭 文昌廟遣睿親王魁斌恭代行

禮 後殿遣張亨嘉行禮欽此

上諭二月二十六日祭 先農壇朕親詣行禮欽此

上諭廣東高雷陽道員缺著英俊補授欽此

旨御前行走科爾沁多羅郡王那蘭格呼勒之次子花翎

二等台吉薩拉哈旺珠爾著加恩挑在乾清門行走欽

此

論練兵必先練將錄順天時

今之言強國者莫不以練兵爲要務抑思兵固不可不練所以統此兵勇總管各兵營連籌夫兵略者非將孰與歸乎聞之古人云有必勝之將而無必勝之兵則兵之賴有將也明矣甚哉中國之將急需夫夫人也久矣求能勝任而愉快者其誰則無忝厥職哉夫既以將言必其經文緯武智能馭萬衆勇能冠三軍方可以授之節鉞內足資坐鎮外足禦勁敵也考東西洋列國其職官重武武員均由學堂出身其肄業時嚴爲甄別不知幾經閱歷始能語成材授之將官職令其輔翼將軍以治理軍政而將軍之內韜吏不待言矣吾中國將帥終身不習武藝平素不讀兵書時事采新彙選第四卷

丁未正月十八日刊

有勇者未必皆是責之以無謀則同然一時微倖成名位自尊而爵自重視士卒爲奴隸竟忘己亦由奴隸中來也能望其與士卒同甘共苦作國家干城爲公侯腹心哉以之坐鎮封疆而營規廢弛不知問以之抵禦外侮而誤奏冒功不知恥至於大敵當前望塵而却走者又不足置喙矣而致命疆場者不究其戰事如何卽以忠勇愛國論噫將固必於舍身非僅以死畢乃事也所貴能得人死力能制人先發能知人能愛人極於殺敵致果而後克壯國威也試觀各國名將圖智與圖力悉專擅其長省天時之機察地理之要順人情之和明安危之勢凡古今得失治亂陣法之變化周密兵家之虛實奇正器械之精粗利鈍無

時事采新彙選第四卷

丁未正月十八日刊

不識其微是以攻擊戰守臨敵而決勝也然兩雄相遇其優劣未能預測如與吾中國將士構難於疆場間是猶烏獲之攘幼稚也何足比較其勝敗哉竊考春秋時孫武李牧漢之韓信馬援班超諸葛亮唐之李靖郭子儀李光弼宋之宗澤岳飛明之戚繼光俞大猷皆中國名將也未有不門戶之見者法與知神利器器械者是何異今之列強深於講求將才乎中國不欲強兵則已苟欲兵之強練兵固爲善策練將尤策之上者也近各省武備學堂建置已歷數年視其容貌形式大半亦似整齊體格亦似強壯槍砲亦似熟悉究其真實將略能戰必勝攻必克者莫可以數觀所謂將弁學堂其肄業果何如乎嘗聞泰西名士云要由武備學堂出身熟識五經七書以及中外兵法測算與天文地理圖說再研究古今戰陣勝負根源乃能鞠旅陳師爲三軍之司命否則如孟子所謂率土地而食人肉其得不償失勿足言將才乎且彼水陸諸軍將帥非由武備院館略館及水師學堂出身者久歷戰陣資格極深者不得任其職所以水陸軍各提督悉老成謀略優長之選也猶備有參佐數員常與連籌決策以資應練而審機宜故臨敵之時何處安營壘何處利進剿何處設伏兵何處可斷其糧道何處可截其援師地勢與敵情既瞭如指掌而又繪圖遍示使一軍諸悉其情形翁然有恃而無恐以故勝戰攻取不啻響之應聲也吾中國辱師邊境者非

歸咎兵械之不精卽委罪士卒之不用命獨不思士卒隸於將帥出其性命以敵愾果誰使之不用命哉其不用命亦誰執其咎哉自改陸軍部後掌軍政大權者苟能將從前流弊一切務盡掃除使各兵營卒伍毅然振其精神爲國社樹明威而世界尙武主義亦令貫輸於海內徒言練步伐無當也夫以中國之兵不能自爲教練聘遣他人教練之將兵者應自汗顏然及是時練將才取法乎西英東日眞能如彼之實事求是安見吾中國人士所得於天者獨薄不若泰東西之性質厚矣能造成完全資格哉無如學業未深造雖有孫吳資稟彼能自知兵法乎然果深於訓練雖婦女可使將兵誰謂木蘭之姿不能挺生於今日時事采新彙選續第四卷 三 丁未正月十八日刊

乎是蓋操自掌軍政者茲以論練將之道修陳夫外洋將略非徒誇示於衆也願掌軍政者亟圖之

論農工商部辦法之次序錄時報

今 朝廷改定官制特設農工商部 朝廷之意蓋明示天下以興實業爲強國之本也然農工商各自爲類已條理萬端而又合於一途其繁曠益不可思議負主任之責者應如何研究其著手之方與夫經營之次序而必非僅准駁一二稟牘多備議員顧問便可云畢其義務可知矣記者不敏謹略貢一得以備芻蕘

古人有言天下大利必歸農竊以爲工商之業其根本亦在於農則辦法莫先於墾荒中國地大而不治者多矣昔

人屢言之謂莫如墾荒以盡地力聽者不察動目爲迂腐之常談不知辦理成效至切要莫此若也中國惟不重此以至多數之民不能有恆產流離轉徙於外寄食他人國積貧民而成弱今不毛之地處之者固不知整頓則實業從何興矣試觀本部之內大河以北平原曠野除砂磧之地五穀不生其餘皆沃壤也中州多平衍然大率荒蕪不治究其原故匪盡闢農民之惰實由於水利之不修水利者農田之至要者也禹平水土盡力溝洫稷始能耕稼之功三代因之卽遇旱災未聞赤地千里論者皆以爲賴溝洫之力今北方農田盡無溝洫旱澇無備故雖欲植稻勢有不能昔者漢代有鄭白等渠而灌地數百里利賴時事采新彙選續第四卷 四 丁未正月十八日刊

無窮元虞集倡開京東水利時雖不行然其說流傳 國朝雍正間怡賢親王用之畿輔水利至今民猶稱道惜欲推之西北各省而未竟功耳一同治時左文襄自新疆回京亦請開西北水利卒爲衆議所阻不行一今莫如詳察水道濬源導流疏渠設閘以事蓄洩講求溝洫遺法引水爲灌漑之資去水備淹沒之患水利一開農田盡闢招墾之法昔人已詳取而舉之不難集事北方亢旱之地向日以爲不宜稻而仰食於東南者今可復雍冀堯豫禹貢之舊而爲上上最也次則東南水利雖不至於不修而荒地仍未盡於墾闢又其餘利若江之洲湖之濱山之阜麓旁陋皆尙遺棄此又不能不盡力者也至於北邊更最爲可

惜昔乾隆間御史柴潮生請開邊外屯田謂沿邊一帶奉天等處多水泉肥美之地宜撥帑金爲之建堡墩立屋廬置耕牛農具令各旗之次丁餘丁前往力耕農暇操練以爲屯田其後嘉慶道光間吉林將軍松筠富俊次第經營十餘年而變成堡之屯墾立惜僅此區區而不能推廣也新疆自隸入版圖後北路屯田次第興舉然亦不能成大功此無他持此議者不過一二人朝廷每視作老生常談而不實力爲之鼓動甚或懼外人之慕羶潛越而寧封禁耳一咸豐時黑龍江將軍奕山奏呼蘭所屬蒙古爾山等處荒地甚多堪以開墾惟恐外人慕羶潛越不能預操把掘不如封禁云云一夫恐外人之慕羶潛越而寧封禁

時事采新彙選

五

丁未正月十八日

此等見解最爲謬誤自然之地利烏能容我永秘哉俄人伏瞰於北自黑龍江遶蒙古及新疆皆俄人慕羶之地也而試問我有何法而能永秘之故及今莫如墾北方練兵屯柴潮生之言又曰散遣漢軍吾竊以爲漢軍固當散遣而滿洲蒙古八旗及宗室閒散亦皆當散而屯之北方另編邊軍革其舊制混滿蒙漢之界限使自後無仰給歲祿游手坐食之閒人則實業興卽生計足而軍旅練此又李牧趙充國之撫輯興嘆而日夜期望者也北邊大利固在墾田然森林之業畜牧之場地利尤普能闢大畜牧場開絨呢製造則工商業亦於以興又不特足邊軍已也故墾事之本立地無餘利自然及於工商內地果闢出產日增

而沿海之業若鹽若漁若采煤亦自此徵發達也故曰工商之業其根本在於農也而辦法之次序可以定矣

論上海之見

錄中外日報

富茲急景凋年吾輩耳目所觸頗多感慨蓋以上海爲今日通國最稱殷盛之地自五口通商以還向所稱爲四大鎮者一漢口鎮景德鎮佛山鎮一除漢口外其餘繁富均莫能與上海一比並誠以上海得天然利便有江海以爲吐納爲華洋所幅湊不獨爲東南第一都皆執通國懋遷之牛耳且亦亞東第一商場文物之輸入亦較便捷則除政治中心以外吾國商業與人事交接之中樞固富以上海爲最此則上海位置在流俗之心目中儼視爲

時事采新彙選

六

丁未正月十八日

北辰之正其所關係審曰細故是此篇所由作也上海居民除流寓外以營商業者占最多數然吾國商人於商業上必須之智能今日猶未完具故心量多局於一曲往往但趨近利而無遠謀以求財利之專於自營故在也處之所居必交其鄰者在上海則除與所營有係者外往往比鄰不相聞問蓋吾今日商人僅知趨競於掩蔽之近利於公普永久之利益尙多謙讓未遑焉事皆難聯合也

吾國當閉關之世沌然爲農業國故以質樸勤敏爲美德然自海通漸進而爲商業國在商業發皇之地稍有盈利不知更有世界何事而但流於侈靡以上海論其商業既

爲通國之最而今消耗於侈靡者亦爲通國最顯有令人聞而色變之勢蓋以此等人民大率棄其故鄉以脫離其宗法社會而於世界倫理固未夢見其舊德既日消亡又值國勢陵替向之以中國人民自尊自大之心習皆經失去而身見之政事又復濁亂無紀難觸難受之接權於根塵者皆有日暮途窮之感因其不學無術遂覺慰情療苦之具但有飲食男女與阿片烟而已此近二十年來上海侈靡之風驟增數倍之原因也近嘗有人推算上海侈靡之費殆占商業進出物品價值十分之一卽其耗於侈靡之小分如歌台舞館所謂嘔飯帳者每年所耗必達三十萬元上下一其算法平均上等妓爲三千人每人通年平

時事新報選錄第四卷

七

丁未正月十八日

均有和酒百場卽有嘔飯帳百元三千人爲三十萬元一依此推算則其他之侈靡費至少當有踰於此三十萬元之六十倍則其數爲一千八百萬元其餘因流俗習慣與迷信種種之消耗尙未計入是則上海區區之一隅一年間極可節省之侈靡諸等消耗乃至達二千萬元左右之巨額此非極可怖人之事乎而稽其耗此巨資之結果轉使風俗汚下民德不准庸衆昏昏方蒙蔽於此惡濁境中而未有已而試求其對於公共之事業則如蘇省今年成立之鐵路公司以任事者之曉音瘖口合計外埠所集股分總額其數僅當上海一年侈靡費中占一小部分之嘔飯帳五倍此外如歐美大市應有之圖書館萬牲園博物

院公共花園公共醫院一西人所立者不計一與夫一切種種公共事業求其一焉且不可得以此惡劣失德之民而與歐美人民共居一地欲其不詬詈侮辱亦胡能得此種惡劣之品性習俗不改而欲恢復國權吾敢斷言再歷千年萬年決無恢復之一日也

以上所論雖不免流於過激然欲爲上海頤之藥而求瘳其疾則記者固尙視爲符止之談矧所言者尙未形容上海惡相之什一乎顧庸愚不察居內地者方且視上海爲帝鄉更有悞悖澆風如蕪湖之開拓市域且以事事倣倣上海者動鄉愚之耳目斯真利令智昏造此擢德塞性之惡業譬彼舟流吾不知其所屆故不得不略陳固陋以

時事新報選錄第四卷

八

丁未正月十八日

冀聞者一悟而有以改此惡俗蓋自古及今未有社會惡劣若此而國可以強盛者也夫上海之種種惡俗誰尸其咎固非一人之咎凡在上海同化於種惡俗之人皆與有咎焉者也今吾國人共同之病常在因循詭隨揚波逐流而所成之俗尤爲濫惡者則在衆人循之卽不許一人獨異苟有異者則萬衆共侮必使馴化於同如施薪之若一而後可以特立獨行之士因爲俗憎而至於絕跡而敝俗亦遂至不可救此有心世道之人所當致意也

光緒三十三年正月十九日

王中堂等同鄉官謝 恩 廣東道英俊謝

恩 興伯請假十日

召見軍機 英俊 壽耆 堽岫 恩順

上諭載卓奏假期已滿病難速痊懇請開缺一摺荊州將

軍載卓著准其開缺欽此

上諭浙江湖州府知府員缺著夏孫桐補授欽此

上諭浙江衢州府知府員缺著徐承焜補授欽此

上諭岑春煊著調補四川總督雲貴總督著錫良調補均

著迅赴新任毋庸來京請訓欽此

諭旨恭錄

光緒丁未正月十九日

淮北賑務善後事宜議 錄中報

近日以來淮北飢民其居清江浦諸地者經大吏委員辦賑清歸故里成效昭著左傳所謂饑而不害者不圖見之于今日然賑務以外有與賑務互相表裏者亦宜與賑災之務並行故善後之策復有數端試陳之于左

一宜禁烟草以除民害 查淮北之田舍種麥及種高粱外多植罌粟以致產穀愈稀故一遇凶年亦地千里今人民顛沛流離身罹巨苦况戒烟之令近已實行若由地方官曉以利害使之除烟草而種五穀小民應易於遵從此亦去害興利之一端也

一宜緩升科以紓農力 今歲淮北之災為歷年所罕見

時事新彙選 第四卷

丁未正月十九日

大災之後民業未易復元若再行催科之政小民之財力不足以應其征求則必輕去其鄉而不樂歸農則田之不耕者愈眾矣宜由大吏岑摺上陳於淮北被災之地明歲上忙一律免徵庶小民不至輕棄其業且以隱消其梗化之心

一宜屯團穀以賑災區 查揚州東境裏下河一帶素稱產米之鄉糧穀充足特恐團戶居奇往往逢荒閉糶宜由大吏轉飭該境地方官剴切示諭曉以利害官為定價以便運往災區稍資補助否則籌採賣之法團戶既不失其利而饑民得以延其生誠一舉兩得之計也

一宜清庶獄以平民氣 民間爭訟久苦拖延而獄歲之